



Bou ons kinders vir môre

Konfirmasie 1

Lestitel: Gebed - die Onse Vader

'n Ouerhandleiding

Sondagskooltuisonderrig



Liewe Ouer

Welkom by die les “**Gebed - die Onse Vader**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdienst, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdienstsonderig (RI) of Konfirmasie (Conf)).</p> <p>2.4: Kontak gerus u Konfirmasieonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek (Ek wil ook ...)
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Gebed - die Onse Vader
Bybelteks	Mattheus 6: 9-13
Lesdoelwit	Die konfirmante leer die inhoud en betekenis van die Onse Vader (Jesus Christus se gebed)

Lesopsomming:

Daar is verskeie tipes gebede. Ons fokus vandag op die gebed wat die Here Jesus sy dissipels geleer het: “Die gebed van die Here”, ook bekend as die “Onse Vader”.

Wanneer bid ons die Onse Vader?

- Gewoonlik is dit die gebed wat ons bid voor die vergifnis van sonde in godsdienste.
- Dit beteken egter nie dat dit die enigste keer is dat ons hierdie gebed kan bid nie.
- Ons kan enige tyd die Onse Vader bid.

Waarom bid ons die Onse Vader?

- Gewoonlik bid ons die Onse Vader saam as gemeente - dit is 'n uitdrukking van ons gemeenskap met mekaar en met God.
- Die gebed bevat alles wat belangrik is in 'n gebed: goddelike aanbidding (ons prys en verheerlik ons God), verskillende versoeke (wat ons vir God vra), dit spreek ons gewilligheid uit om met God te versoen sowel as ons vertroue in God.
- Ons bid ook die Onse Vader om ons voor te berei vir vergifnis van sonde en om onself te heilig.

Wat beteken die Onse Vader? - wat bid ons eintlik in die gebed?

Ons Vader: ons is kinders van God en kan Hom ons Vader noem. Ons kan met al ons bekommernisse na ons Vader kom

Wat in die hemele is: God is groter as alle dinge op aarde. Hy is ook na aan ons as mense op aarde. Hy is almagtig - hy het groot mag en invloed.

Laat u Naam geheilig word: “hallow” is 'n ou Engelse woord wat dieselfde beteken as heilig. God is Heilig. Ons prys en eer God. Ons kyk op na Hom. Ons wil Hom gehoorsaam en volgens sy wil leef. Ons wil nie sy naam ydelik gebruik nie.

Laat u koninkryk kom: die koninkryk van God het in Christus na ons gekom. Ons wil hê dat die geaardheid van Christus in ons en ons gemeentes moet wees. Verder verlang ons dat God ons sy koninkryk met die wederkoms van Christus moet wys. Ons wil hê dat Christus sy bruidsgemeente huis toe moet neem.



Die Onse Vader word voortgesit

Laat u wil geskied, soos in die hemel net so ook op die aarde: God regeer in die hemel vanaf sy troon volgens sy wil. Op aarde wil ons die wil van God uitdra.

Gee ons vandag ons daaglikse brood: ons daaglikse brood is 'n simbool van alles wat ons benodig om te lewe, ook God se woord (voedsel vir ons siel)

En vergeef ons ons skulde, soos ons ook ons skuldenaars vergewe: ons erken dat ons sondaars is en vra om vergifnis. God is genadig en vergewe ons. Omdat Hy genadig is en ons vergewe, vra Hy ons om dieselfde te doen. Daarom sal God ons net vergewe as ons self gewillig is om te vergewe.

En lei ons nie in versoeking nie, maar verlos ons van die Bose: ons vra God se hulp om sonde te weerstaan, ons pleit ook by God om ons te beskerm teen beproewings / omstandighede en om ons te bevry, om ons te red van die bese eene .

Want aan U behoort die koninkryk en die krag en die heerlikheid tot in ewigheid: ons prys God en sy krag en sy heerlikheid. Koninkryk impliseer ook God se plan van verlossing en ons verlanse om deel daarvan te wees, om God se heerlikheid in sy teenwoordigheid vir ewig te ervaar.

Amen: beteken: "Mag dit so wees", ons bevestig alles wat ons in hierdie gebed bid.

Wat beteken hierdie les vandag vir ons?

- Ons het die betekenis van elke deel van die Onse Vader geleer.
- Ons het nou 'n beter begrip en die Here se gebed het vir ons nuwe betekenis.
- Ons het geleer dat ons hierdie gebed bid voor die vergifnis van sondes tydens 'n godsdienst en enige tyd wat ons so voel.
- Ons het geleer waarom ons die Here se gebed bid. Die gebed bevat alles wat die Here Jesus ons geleer het om in te sluit in 'n gebed.



Sommige vrae wat ons kan vra:

1. Watter tipe gebede ken jy?

Antwoord: Oggendgebede, Aandgebede, Maaltydgebede, Gesinsgebede, Gebed voor 'n godsdienst, die Here se gebed (Onse Vader).

2. Wanneer bid ons?

Antwoord: Enige tyd:

- as ons wakker word,
- as ons bed toe gaan,
- voor etes,
- nadat ons sondes in die kerk vergewe is,
- voor 'n godsdienst,
- as ons dankbaar is,
- wanneer ons God nodig het,
- wanneer iemand anders ons vra,
- as ons sien dat iemand ons gebede nodig het.
- ons gebedslewe hoef nie tot tradisies en rituele beperk te word nie.

3. Waarom bid ons?

Antwoord: om 'n persoonlike verhouding met God te bou, om wat in ons harte leef en ons gedagtes met God te deel - ons dankbaarheid, ons voorbidding vir ander en onself, om God te loof en te aanbid.

'n Gebed vir Pappa en Mamma om voor die les te bid:

Almagtige God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om U wil te doen

Sodat ons nader aan U groei

Stuur Jesus om ons te kom haal

En mag ons gereed wees om Hom te ontmoet

Amen